

手道前而作頌曰

妙本常清淨 身心無垢膩 衆生習業人

迷惑懷疑氣 是故感慈尊 爲明權實義

一相度黎元 真爲平等語 垢穢既以除

煩惱自然離 負荷匠成德 飛步玄都治

爾時衆聖說此頌已於是天尊怡然含笑即

吐五色微妙神光徹照諸天福堂及九幽長

夜地獄四座男女衆此神光悉親諸天諸地

罪福報對如觀指掌了了分明咸皆一心歸

命懺謝宿根業累即世深殃願被衆生離諸

苦惱天尊慈愍感彼衆心乃振威神彈指叩

齒應時地獄悉得開寧鐵鬼囚徒俱昇道境

寶光收照法界猶明林木山川緬然平等祥

風鼓吹慧日流光預法會中並加具位十方

衆聖三界人天種種羣生皆蒙利益稽首作

禮依教奉行

太上玄都妙本清靜身心經

太上太玄女青三元品誠拔罪妙經卷上  
太玄女青曰

至道玉帝昔於龍漢初劫在三天之上帝諸

天上聖十方真仙無量大聖衆演說三洞大

法三元品誠妙經是時三界官屬諸天神仙

各百億萬衆並皆欽簡侍座諦聽法音

爾時元始天尊告諸大衆曰吾今廣爲三界

內外一切衆生宣說三乘妙法三洞寶經開

化人天隨緣降接下元衆生末世男女不聞

道法枉被殺害不終天年者多此蓋生人業

重罪深不歸正化背真從僞惟用邪行既死

之後魂無所託結寄鄴都地獄之中劫盡山

消無由解脫汝等衆生當度大千世界之內

十方國土之中一切善信男子女人自今以

去當誦三元寶經女青妙典此經功德上度

天人下濟長夜福報無窮恩賞萬有免於壽

盡之時魂入鄴都受諸報對

爾時上元一品九炁天官紫微帝君即延生

之符始陽之炁結成至真處玄都元陽七寶

紫微上宮碧霞之殿五雲之座紫金之床凭

碧琳之几乘青玉之珪左右神仙列班侍衛

其上元之宮縱廣五千萬里並皆青玄之氣

結成其宮總主上真自然玉虛高皇上帝諸

天帝主上真真仙及國主大臣皇后皇妃諸

王太子百官眷屬天下人民一切貴賤罪福

之由其中神仙官僚皆稟自然之氣而爲體

也若非金闕玉簡記名得道之人莫能見也

其紫微宮中復有左右中三府左府主生之

官則太陽火官考之右府主死之官則太陰

水官考之中府主生死罪福之官則風刀考

之三府總計三十六曹各領官僚九千萬衆

並於上元之夕考較大千世界之內十方國

土之中一切生死罪福緣對報應之由衆等

虔誠人各恭敬

志心歸命

太玄女青 上元明真曹仙官

太玄女青 上元監正曹仙官

太玄女青 上元梵行曹仙官

太玄女青 上元靈關曹仙官

太玄女青 上元禁神曹仙官

太玄女青 上元通明曹仙官  
 太玄女青 上元正神曹仙官  
 太玄女青 上元開明曹仙官  
 太玄女青 上元玉都曹仙官  
 太玄女青 上元南上曹仙官  
 太玄女青 上元元功曹仙官  
 太玄女青 上元三靈曹仙官  
 太玄女青 上元明梵曹仙官  
 太玄女青 上元威靈曹仙官  
 太玄女青 上元太清曹仙官  
 太玄女青 上元宣威曹仙官  
 太玄女青 上元明都曹仙官  
 太玄女青 上元太常曹仙官  
 太玄女青 上元都靈曹仙官  
 太玄女青 上元太儀曹仙官  
 太玄女青 上元明法曹仙官  
 太玄女青 上元考正曹仙官  
 太玄女青 上元明威曹仙官  
 太玄女青 上元九都曹仙官  
 太玄女青 上元司正曹仙官

太玄女青 上元四明曹仙官  
 太玄女青 上元監天曹仙官  
 太玄女青 上元司教曹仙官  
 太玄女青 上元盟天曹仙官  
 太玄女青 上元幽都曹仙官  
 太玄女青 上元威儀曹仙官  
 太玄女青 上元太陰曹仙官  
 太玄女青 上元下元曹仙官  
 太玄女青 上元監司曹仙官  
 太玄女青 上元太明曹仙官  
 太玄女青 上元監靈曹仙官  
 右三十六曹仙官則太玄女青真人所掌屬紫微之官每府各一考官一千二百考吏一萬二千考兵一十二萬考士總主人天已得道過去及未得道者見在福中國主大臣諸王太子皇后皇妃百官宰輔及善信男子女人功過罪福簿錄緣對考限之事至每年正月十五日則上元天官紫微帝君考較大千世界之內十方國土之中上至諸天神仙升降之籍星宿

肺照國土分野興亡之簿中至國主賢臣諸王太子一切衆生考限之期下至魚龍變化飛走萬類改易身形升沈年月至於三塗之內九府之中罪對之名年劫之限其內合得生為人者則當削名長夜之府列字左宮之中其內合為諸色邪魔鬼神之者則當刻限右宮書名黑簿俟其數滿又復改形隨其業力高下不同受報各異內有罪魂合為飛走萬類亦當隨罪輕重分配生方或為豺狼虎豹或為驢馬駝騾或為牛羊鴉鴨或為鷄犬鴉鴟或作鷹虎狐兔或為雀鴿蠅蟲或作蟻螻蛇鼠或作螻蛄蚊蚋或為塵鹿麒麟或作龜鼈龜鼈或作蛟蜃蚰蜒或為長鯨海馬或為螺蚌蟲魚或為烏雉孔雀或為鷹鷂飛狸或為蝦蟇登瓦或為曲蟻蜈蚣或為鱗鱧水母或作鳩蟹蜘蛛或作異狀禽魚飛往異獸如是種種萬類或走或飛或行或坐或多足無足或胎生卵生或乾居濕居或巢居穴居百形千變不可定名或依古樹怪石或處湖澤泉源或據土山巖石或處井窰溝渠或於

人間作諸妖怪如是種種萬類一切負命之身各俟考限滿日天官考籍之宵又當隨業改形隨福受報隨劫輪轉隨業死生善惡隨緣無復差別若有善信男子女人發心書寫此經散施轉讀香花寶蓋供養諸天如是所作之罪悉皆消滅或於三元之夕醮謝諸天或於十直之辰持誦此經得福無量

女青曰此經功德能解百生怨對能消萬劫罪愆能滅有身之過能除無妄之災能脫死生之苦能解衆惡之心一切衆生自今以去若有官災疾病呪詛冤家當誦此經若有瘟癘疾疫或被鬼魅所侵即當持誦此經若欲興生竟利入海求財或修造動土立宅安墳即當持誦此經或有功名不利官職微退或船行往返或渡波浪所驚亦當持誦此經若欲開度長夜濟拔幽魂解釋夙殃救諸幽苦但當持誦此經得福無量或有蟲蝗水潦兵革四興國主憂懼人民傷死當於清淨之地或古壇靈觀之中建立道場懸帶幡蓋轉讀此經然燈行道大醮五星及諸天宿曜則得

國土清寧時和俗泰蝗蟲兵革當自化消水旱風災自然得度若有善信男子女人生來多厄運命衰微或久病著牀不能醫治或多犯王法和鎖連年或際風狂或被邪魔所執即當抄寫此經散施衆生共相轉讀若有衆生能如是者諸災自解衆惡自消壽命長久得福無量

女青曰一切衆生展轉輪歿生死報對禍福應現毫末無差並俟三元之日三官考籍之宵分配死生定其貧富人鬼二路會獸萬端合受福者則當列字左宮刻名左府合為鬼為畜者則當書名右府刻字右宮各俟考限之期也

女青曰一切善信男子女人或得仙名當以玉簡功過或有除落品格罪福報應亦如紫微宮中限簿錄籍並封玄都明真玉簡上元天官洞白之府並俟三官集聖之日定諸神仙升降之符及諸善惡男女禍福緣對深淺之由壽算考限長短之名下至元幽之內除放生死罪福之限蠢動生化衰盛之期並於

上元之日錄奏  
太上虛皇道君女青曰若大千世界之內十方國土之中一切善惡男子女人生死罪福輕重壽考年月日限之數各各分別青黑二簿列表上宮若復善功滿足應合仙者言名紫微之宮若有崇奉  
玄元无上大法者言於太極左宮書名金錄刻字仙曹當勅地官侍衛錄簡上宮三界營護所有一切外魔無復干撓一如女青之律當書青玄之簡今錄上真總領生死簿錄品目如後汝等衆生自當虔奉

- 上真總領禪號高下尊卑功過儀典
- 上真總領衆聖朝禮旋行功過儀典
- 上真總領大聖旋宴從駕功過儀典
- 上真總領生死圖簿錄籍功過儀典
- 上真總領生死命籍算錄功過儀典
- 上真總領生死功德輕重功過儀典
- 上真總領鬼神執役報對轉輪功過儀典
- 上真總領鬼神幽請開度年限功過儀典
- 上真總領鬼神升度死魂更生功過儀典

上真總領死魂受鍊更生錄藉功過儀典  
上真總領神仙得道清淨品秩功過儀典  
上真總領萬魔誑歌之音功過儀典

已前上真總領三界之內十方國土之中一切功過之名每至三元之夕並書青黑二簿錄奏上宮皆隨所作罪福深淺開度隨業輕重顯報入天無復差別汝等眾生但當轉讀此經嚴持香花種種供養則得殃對永消福增巨海寬訟不侵存亡獲奉吾今當為大千世界之內十方國土之中一切善信男子女人懺悔一切罪目咸使蕩除無復惡報懺悔諸善男子女人或不信聖道經誠懷疑兩心之罪懺悔弟子或輕慢至道聖文評論經典之罪懺悔弟子或竊取道像經書或將毀抹或有受持不敬師宗之罪懺悔弟子或無師自授三洞經法而傳弟子之罪懺悔弟子或輕慢師主違背誓言之罪懺悔弟子或毀謗師父不崇天義之罪懺悔弟子或隱閉三洞經法使不通流之罪懺悔弟子或得仙經妙法妄將傳授非人之罪懺悔弟子或受經法

不依科誠受持輕泄靈文之罪懺悔弟子或傳經之後不遵師約之罪懺悔弟子受經之後無有開度一切眾生之罪懺悔弟子或無故毀削玄元聖道經像及諸法物之罪懺悔弟子傳受經法不為宿奏諸天盟告五帝三官不合儀典之罪懺悔弟子受經之後心無信重賤法輕師之罪懺悔弟子或過斷聖道法路使不通遍自取功名之罪懺悔弟子或朔望八節之日不禮師資憍慢之罪懺悔弟子或過齋直之日不精香火普為眾生之罪懺悔弟子或誦經越畧心無救物自稱快俊之罪懺悔諸學上道之士或行道越次爭競功名之罪懺悔弟子受道之後或過家有災衰不能自省其過怨道各師之罪懺悔弟子或毀謗善人妄指日月輕易聖道尊重邪教之罪懺悔弟子兩舌惡罵飲酒猖狂評論四輩之罪懺悔弟子貪慾惱逸穢觸真乘之罪懺悔弟子或曾咒詛鬼神妄言綺語教害眾生之罪懺悔弟子或有姦淫穢濁嫉賢妬善盜竊人財之罪懺悔弟子或有欺師慢法泄

露仙機之罪懺悔弟子或有毀謗經誠強押眾生不依正法之罪懺悔弟子或有說人過惡自取功名或口是心非潛行毒惡或輕仙聖自恃功高之罪懺悔弟子或有欺凌同學忽略眾生使不安穩之罪懺悔弟子或有穢污三寶毀易真儀或量度聖文指真為偽或重邪教謗毀大乘或有淳良使行不善或恃豪貴損壞靈文或欺誑眾生使受厄難或嫉害賢善使不安全感或毀壞仙宇指實為虛或侵占福地黨惡護強或破壞玄壇毀傷靈宇如是之罪聞誦此經悉皆消滅又復懺悔弟子自從無始以來至于今日或曾損善益惡利己害人或禁繫眾生斷絕穀水或因公法深入刑名或持火燒山損諸含識或枯竭溪澗殺戮蟲魚或斷絕泉源不令通潤或奪人恩愛使他輕賤骨肉分張或取利求名損傷良善或布散毒藥殺害有情或剝削眾生自求豐足或妄解經義不合聖心或彈說靈文指為虛偽或不究三洞宗源毀壞三清經像如前罪目無量無邊說周塵沙不可窮盡並

屬天官三十六曹風刀之考若十方微塵世界之內大千國土之中一切善信男子女人自從無始以來至于今日父母兄弟第六親眷屬若犯如是之罪但當轉讀此經抄寫此經散施轉讀得福無量增算無窮所犯如是罪目悉皆消滅新舊殃尤感家闈度爾時諸天大衆稽首奉行而作頌曰

先天元始 无上法王 恩覃三界 福被十方  
群生是賴 蠢動咸康 法音流渙 拯濟存亡  
九幽得度 五苦無殃 寒池解凍 黑暗流光  
誦持供養 无量福祥

太上太玄女青三元品誠拔罪妙經卷上

太上太玄女青三元品誠拔罪妙經卷中歷太玄女青曰

中元二品地官清虛真君總統左右中三府共四十二曹仙官三府皆洞空清虛混元之炁其官皆五千萬里總主五帝五嶽諸神靈仙其中仙官總計九千萬衆也並主大千世界之內十方國土之中一切善惡男子女人生死錄籍禍福報應壽命長短富貴貧賤年月分限之數及至世間飛禽走獸一切蠢動蟲魚生靈之屬變化之期各隨分限言於紫微上宮並俟天官考籍或得變化隨福改形隨業受報各有長短年月分限若有衆生多諸業障所爲不利當以異花珍果淨水名香晝夜勤虔請師轉誦此經三元設醮八節言功即得殃對永消名書金簡此經功德能治善病能消衆苦能解災難能祛百惡能集千祥能臻百福能管壽算能拔幽沈汝等衆生但當受持得福無量今示左右中三府四十二曹仙官之位汝等衆生但能供養功濟幽牢不可窮盡衆等虔誠人各恭敬

志心歸命

- 太玄女青 中元靈都曹仙官
- 太玄女青 中元維正曹仙官
- 太玄女青 中元靈威曹仙官
- 太玄女青 中元黃神曹仙官
- 太玄女青 中元道真曹仙官
- 太玄女青 中元洞玄曹仙官
- 太玄女青 中元威仰曹仙官
- 太玄女青 中元靈紐曹仙官
- 太玄女青 中元嶽正曹仙官
- 太玄女青 中元洞天曹仙官
- 太玄女青 中元九都曹仙官
- 太玄女青 中元通明曹仙官
- 太玄女青 中元儀範曹仙官
- 太玄女青 中元九考曹仙官
- 太玄女青 中元南昌曹仙官
- 太玄女青 中元考算曹仙官
- 太玄女青 中元格靈曹仙官
- 太玄女青 中元太陽曹仙官
- 太玄女青 中元都律曹仙官